

ԿԱՐՍԻ ՄԱՐԶԻ ԳՅՈՒՂԱՅԻՈՒԹՅԱՆ ՍՈՑԻԱԼԱԿԱՆ ԿԱԶՄԸ  
(Ըստ 1917 թ. գյուղատնտեսական հաշվեհամարի նյութերի)

Ա. Մ. ՀԱԿԵԲՅԱՆ

Արևելյան Հայաստանի նոր շրջանի սոցիալ-տնտեսական հարաբերությունների պատմության ամենաբարդ և միաժամանակ կարևորագույն պրոբլեմներից է բնակչության՝ այդ թվում և գյուղացիության սոցիալական կառուցվածքն ուսումնասիրությունը: Սովետահայ պատմաբանների և տնտեսագետների կարևորագույն խնդիրներից մեկը եղել է կապիտալիզմի դարաշրջանում բնակչության սոցիալական կառուցվածքում կատարված փոփոխությունների, գյուղացիության սոցիալական շերտավորման աստիճանի բացահայտումը: Այդպիսի հարցերի լուսաբանումը շատ կարևոր է այն իմաստով, որ դրա պարզաբանման միջոցով միայն կարելի է հստակորեն պատկերացում կազմել գյուղի սոցիալական դիֆերենցիացիայի, դասակարգային պայքարի սրման առտիճանի, հետևապես և բուրժուա-դեմոկրատական ու սոցիալիստական հեղափոխությունների առաջացման սոցիալ-տնտեսական օբյեկտիվ նախադրյալների մասին:

Եթե նախահեղափոխական ժամանակաշրջանում աղնվականական և բուրժուական պատմագիտության մեջ այդ ուղղությամբ ըստ էության ոչ մի լուրջ փորձ չի կատարվել, քանի որ նման ուսումնասիրությունների անցանկալի սոցիալ-քաղաքական հետևանքներից խուսափելով այդ հարցերը գիտակցորեն շրջանցվել են, ապա սովետահայ պատմաբաններն ու տնտեսագետները հասել են նշանակալի հաջողությունների: Արևելյան Հայաստանի ազգաբնակչության և մասնավորապես գյուղացիության սոցիալական կազմի ուսումնասիրության խնդիրն են անդրադարձել Ա. Բադալյանը, Հ. Թումանյանը, Վ. Թըշտունին, Ա. Համբարյանը, Մ. Ադունցը, Ա. Վարդանյանը և ուրիշներ<sup>1</sup>:

Հարկ է նշել, որ Արևելյան Հայաստանին վերաբերող նյութերը և վիճակագրական ժողովածուներն ըստ ամենայնի հնարավորություն չեն ընձեռում (ոչ սական նահանգների նման) վեր հանելու գյուղացիության սոցիալական կազմի լիակատար պատկերը: Եթե Վ. Ի. Լենինը, օգտագործելով վերլիկոռուսական նահանգներում անցկացված զեմստոլոյական մարդահամարների և ալ վիճակագրական ժողովածուների տվյալները, իր հանձարի խորությամբ, ըստ գյուղատնտեսական շրջանների արտագրության բնորոշ ցուցանիշների, ցույց է տվել Եվրոպական Ռուսաստանի նահանգների գյուղացիության սոցիալական շերտավորման աստիճանը և դասակարգային բաշխվածությունը, ապա այդ բանը չափազանց դժվար է որոշել Ռուսաստանի ծայրամասերի, այլ թվում Անդրկովկասի ու Հայաստանի համար, որտեղ զեմստոլո չլինելու պատճառով զեմստոլային վիճակագրություն չի կատարվել: Դրա համար էլ սովետահայ

<sup>1</sup> Տե՛ս Ա. Բադալյան. Население Армении со времени присоединения ее к России и до наших дней (ՀՄՄՀ ԳԱ «Տեղեկագիր» (հառ. փառ.), 1953, № 5); Օ. Ե. Կումանյան. Экономическое развитие Армении. Ч. 1, Ереван, 1954; Մ. Ա. Ադունց. Экономическое развитие Восточной Армении в XIX веке. Ереван, 1957; А. С. Амбарян. Развитие капиталистических отношений в армянской деревне. Ереван, 1959; Վ. Հ. Թըշտունին. Ի. Ուրվագծեր Հայաստանի գյուղացիության պատմության. հ. Ա, Երևան, 1960, հ. Բ, Գրեվան, 1963; Մ. Ադունց. Հայաստանի ժողովրդական տնտեսությունը և հայ տնտեսագիտական միտքը XX դ. սկզբին. Երևան, 1968; Ա. Խ. Վարդանյան. Արևելյան Հայաստանի գյուղացիության սոցիալ-տնտեսական դրությունը առաջին համաշխարհային պատերազմի տարիներին (1914—1917 թթ.). Երևան, 1981 (ավտոռեֆերատ):

պատմաբաններից ու տնտեսագետներից ոմանք Արևելյան Հայաստանի գյուղացիության սոցիալական շերտավորումը ցույց տալու համար, եղած նյութերի ու փնտելագրական տվյալների միակողմանիության և աղքատիկության հետևանքով, հիմք են ընդունել գյուղացու բաժնեհոգը կամ կատարած ցանքը, ոմանք՝ անասնազույգը կամ բանող ուժը, իսկ ոմանք էլ՝ գյուղացիական տնտեսությունների ուսումնասիրված սահմանափակ թվով բյուջեները և այլն: Եվ պատահական չէ, որ նրանց կատարած հաշվումները շատ հաճախ էական տատանումներ են ապրիս և հետևաբար առաջ բերում տարակարծություններ:

Այդուհանդերձ, Երևանի նահանգը վերահիշյալ ուսումնասիրողների կողմից բավականաչափ հետազոտվել է, մի բան, որը չի կարելի ասել Արևելյան Հայաստանի մյուս հատվածներից մեկի՝ Կարսի մարզի մասին: Բանն այն է, որ մարտի վերաբերյալ գոյություն ունեցող նյութերը և վիճակագրական ժողովածուները ավելի սահմանափակ են, իսկ եղածներն էլ շատ ավելի աղքատիկ և միօրինակ: Այսպես, եթե Երևանի նահանգում և Նոռու գավառամասում ֆիսկալ նպատակներով տարբեր տարիների երեք անգամ հետազոտվել են գյուղացիական բյուջեներ՝ 1884 թ.՝ 18 բյուջե, 1894 թ.՝ 6 և 1902 թ.՝ 17 (ընդամենը՝ 41 գյուղացիական բյուջե), ապա Կարսի մարզում չի հետազոտվել գյուղացիական ոչ մի բյուջե<sup>2</sup>: Այս տեսակետից թերևս բացառություն են կազմում 1917 թ. գյուղատնտեսական հաշվառման (հաշվահամարի) տվյալները, որոնք հիմք են ապրիս որոշ հետևություններ կատարել Հոկտեմբերյան սոցիալիստական մեծ հեղափոխության նախօրյակին գյուղացիության սոցիալական կազմի վերաբերյալ:

Ինչպես հայտնի է, 1916 և 1917 թթ. Ռուսաստանի կենտրոնական վիճակագրական կոմիտեն (ՎՎԿ) ավելի քան 77 նահանգներում ու մարզերում անցկացրել է համառոտաստանյալ գյուղատնտեսական համատարած հաշվահամար (հաշվառում), որը թելադրված էր պատերազմի տարիներին ուժեղացող պարենային ճգնաժամի պայմաններում պարենամթերքի և հումքային ռեսուրսների հայթայթման ու հաշվառման անհրաժեշտությամբ: Գյուղացիական տնտեսությունների հաշվառման հարցաթերթիկները ներառել են հարցերի լայն շրջանակ՝ տնտեսության շնչերի, կատարված ցանքի, անասնաբանակի և բանուժի, գյուղատնտեսական ինվենտարի, հողի վարձակալության, վարձու աշխատանքի օգտագործման մասին հարցերը և այլն:

Համանման կարգով հաշվառման են ենթարկվել Երևանի նահանգը և Կարսի մարզը<sup>3</sup>: Պարզվում է, որ Կարսի մարզում գյուղատնտեսական հաշվառումը անցկացվել է միայն 1917 թ.: Հաշվառման սկզբնական նյութերը (հարցաթերթիկները) պահվում են Հայկական ՍՍՀ ՊԿՊ արխիվում<sup>4</sup>: Սակայն դրանք ընդգրկում են ոչ բոլոր գյուղերը: Որոշ գյուղեր և քոչավայրեր պատերազմի, ռեզիստանսի դժվարությունների, կիսանստակյաց բնակչության տեղաշարժերի և այլ հանգամանքների հետևանքով տեղական հաշվառող մարմինները կամ չեն կարողացել հաշվառել, կամ էլ, հնարավոր է, որ փաստաթղթերի մի մասը չի պահպանվել:

2 М. А. Адонц. Экономическое развитие Восточной Армении в XIX веке, с. 365; А. С. Амбарян. Развитие капиталистических отношений в армянской деревне, с. 116 и 259. *Մ. Ադոնց. Հայաստանի ժողովրդական տնտեսությունը և հայ տնտեսագիտական միտքը XX դ. սկզբին*, էջ 125:

3 С. И. Антонова. Статистические источники по истории СССР, период капитализма. М., 1968, с. 43.

4 1916 թ. գյուղատնտեսական հաշվահամարի նախասկզբնական (նախնական) արդյունքները լույս են տեսել երեք պրակներով. որոնցից մեկն ընդգրկում է Կովկասը. տե՛ս Предварительные итоги всероссийской сельскохозяйственной переписи 1916 г. Вып. II, Кавказ. Петроград. 1917.

5 ՏՆՊՀ ՀՍՍՀ ՊԿՊԱ, ֆ. 125, ց. 1:



1917 թ. գյուղատնտեսական հաշվեհամարի տվյալների հանգամանալից ուսումնասիրությունը միանգամայն բավարար հիմք է տալիս գյուղացիության սոցիալական կազմի, երկրամասի պատերազմական տարիների սոցիալ-տնտեսական դրություն և այլ կարևոր հարցերի վերաբերյալ համապատասխան հետևություններ ու եզրակացություններ անել:

Գյուղացիության սոցիալական դիֆերենցիացիայի հետ կապված հարցերը պարզաբանելու համար մենք սույն հոդվածում բաղմակողմանիորեն ուսումնասիրել ենք ընդամենը 77 գյուղ, որը կազմում է մարզի բոլոր տիպի գյուղերի ավելի քան 10 տոկոսը կամ  $\frac{1}{10}$  մասը<sup>6</sup>: Վերոհիշյալ թվով գյուղերը, ըստ օկրուգների տեղաբաշխվում են հետևյալ կերպ՝ Կարսի օկրուգ՝ 20 գյուղ 1258 տնտեսությամբ, Կադղվանի օկրուգ՝ 14 գյուղ 856 տնտ., Արդահանի օկրուգ՝ 15 գյուղ 362 տնտ. և Օլթիի օկրուգ՝ 28 գյուղ 966 տնտ.: Ընդամենը 77 գյուղ 3442 գյուղացիական տնտեսությամբ և 25052 շունչ երկսեռ բնակչությամբ:

Ազգային կազմի տեսակետից վերոհիշյալ գյուղերը ներկայացնում են հետևյալ պատկերը. հայկական՝ 15 գյուղ 1319 տնտեսությամբ, ռուսական՝ 2 գյուղ 69 տնտ., հունական՝ 3 գյուղ 259 տնտ., թուրքական՝ 24 գյուղ 790 տնտ., քրդական՝ 20 գյուղ 556 տնտ., ադրբեջանական՝ 7 գյուղ 197 տնտ., թուրքմենական՝ 4 գյուղ 216 տնտ., կարափափախների՝ 1 գյուղ 12 տնտ. և վերջապես իրանական՝ 1 գյուղ 24 տնտեսությամբ: Սա նշանակում է, որ համամասնական չափով հաշվի են առնված մարզի տարածքում ապրող բոլոր հիմնական ժողովուրդները: Հետազոտված 77 գյուղերի շարքում թեև թուրքական և քրդական գյուղերն իրենց քանակով գերազանցում են հայկական գյուղերին, սակայն տնտեսությունների ընդհանուր թվով՝ բավական զիջում են: Իսկ այն է, որ թուրքական և հատկապես քրդական գյուղերը սովորաբար բաղկացած էին միջին թվով 2—3 տասնյակ տնտեսություններից, մինչդեռ հայկական գյուղերը՝ մինչև 200 և անգամ ավելի տնտեսություններից: Այնպես որ վերոհիշյալ 77 գյուղերի գյուղացիական տնտեսությունների 38 տոկոսից ավելին կազմել են հայերը:

1917 թ. գյուղատնտեսական հաշվեհամարի տվյալների հիման վրա գյուղացիության սոցիալական շերտավորման աստիճանը ավելի ստույգ ցույց տալու համար պետք է հաշվի առնել սոցիալ-տնտեսական հասկանիշի բոլոր հիմնական ցուցանիշները՝ հողաբաժինը, ցանքը, անասնազույգը, բանուժը, վարձակալական համակարգը, գյուղատնտեսական ինվենտարը և այլն: Սրանցից, ինչ խոսք, գլխավոր ցուցանիշը հանդիսանում է հողը, որովհետև գյուղացիական տնտեսության համար, լինի հողագործական թե անասնապահական շերտան, վճարական գերը, որպես արտադրության գլխավոր միջոցի, պատկանում է հողին: Վ. Ի. Լենինը նշում էր. «Հողը, անկասկած, արտադրության գլխավոր միջոցն է գյուղատնտեսության մեջ. ուստի և հողի քանակով կարելի է առավել ճիշտ դատել տնտեսության չափերի, հետևաբար, նաև նրա տիպի մասին»<sup>7</sup>: Եվ պատահական չէ, որ գյուղացիության պայքարը, ամենուրեք և բոլոր ժամանակներում, ամենից առաջ մղվում էր հողի համար: Միանգամայն իրավացի էր տնտեսագետ Պ. Լյաշենկոն, երբ նշում էր, որ անասունի բացակայությունը կամ կորուստն ավելի ուղղելի է, քան հողի կորուստը<sup>8</sup>: Սակայն գյուղացիական

6 Հարկ է նշել, որ եթե պատերազմի նախօրյակին մարդում հաշվվում էր բոլոր տիպի ավելի քան 800 գյուղ, ապա պատերազմի առաջին իսկ տարիներից երկրամասում ստեղծված ռազմաքաղաքական անկայուն վիճակի և թուրքական հարձակման մշտական սպառնալիքի պայմաններում մարզի մի շարք գյուղեր՝ մասնավորապես քրիստոնյա (հայկական, ռուսական, հունական) սկսում են արագ կերպով քաղաքացիներ և ամառանալ: Այնպես որ արդեն 1917 թ. ամռանը մարզի գյուղերի թիվը բավականին նվազել էր, իսկ շատ գյուղերում էլ բնակչությունը էր նվազել:

7 Վ. Ի. Լենին. ել. ժ. հ. 19, էջ 402.

8 П. И. Лященко. Мобилизация землевладения в России и его статистика. М., 1905, с. 7.

ծխերի ունեցվածքների միջև շատ մեծ բազմազանություն գոյություն ունի, ուստի և սոցիալական խմբերը ցույց տալու համար պետք է հաշվի առնել բոլոր գործոնները և կոմպլեքսային մոտեցում ցուցաբերել: Գյուղացիության սոցիալական խմբերը հեշտությամբ դանազանվում են, երբ համեմատության մեջ են դրվում նրանց ունեցվածքային բոլոր ցուցանիշները: Անշուշտ, այդ նկատի ունենալով, Ի. Լենինը, երբ գրում էր. «Գյուղացիության քայքայման վրա խելամըտորեն նայելու համար պետք է վերցնել ամեն ինչ ամբողջությամբ՝ և՛ վարձակալությունը, և՛ հողերի գնումը, և՛ մեքենաները, և՛ վաստակները, և՛ առևտրային հողագործության աճը, և՛ վարձու աշխատանքը»<sup>9</sup>:

Ղեկավարվելով Վ. Ի. Լենինի այդ ցուցումներով, մենք ևս հիմք ենք ընդունել ոչ թե մեկ կամ երկու սոցիալ-տնտեսական հատկանիշ, այլ ցուցաբերելով կոմպլեքսային մոտեցում, նկատի ենք ունեցել հաշվառման հարցաթերթիկների առաջադրած բոլոր ցուցանիշները՝ շեշտը դնելով հիմնականում հողաբաժին-ցանքի և անասնապուխ-բանող ուժի վրա, որովհետև մարդի գյուղացիական տնտեսությունների համար բնորոշ են եղել հացահատիկային կուլտուրաների մշակությունը և անասնապահությունը:

Իր հերթին գյուղացիության բարեկեցության աստիճանը որոշելիս պետք է հիմք ընդունել ոչ այնքան բաժնեհողի չափը, որքան կոնկրետ գյուղացու կատարած ցանքը, որը միաժամանակ արտահայտում է արտադրության միջոցներով նրա ապահովվածության աստիճանը և ընդհանրապես տնտեսական հնարավորությունները: Այս հանգամանքի վրա պետք է առավել ևս ուշադրություն դարձնել պատերազմական իրավիճակի պայմաններում, երբ բաժնեհող ունեցող տնտեսությունների մի որոշ մասը պատերազմի հետևանքով բոլորովին ցանք չի կատարել, իսկ մյուս մասի ցանքը այդ պատճառով խիստ կրճատվել է՝ թողնվելով անմշակ՝ հարոս, ցել կամ խոպան:

Հետազոտված 77 գյուղերի 3442 գյուղացիական տնտեսությունների խմբավորումը ըստ ցանքսերի մեծությունների կառուցված է հետևյալ պատկերը (տե՛ս աղյուսակ 1):

Ըստ ցանքի չափերի գյուղացիական ծխերը բաժանել ենք յոթ խմբերի՝ 1) չցանողներ, 2) մինչև 1 դես, ցանողներ, 3) մինչև 3 դես, ցանողներ, 4) մինչև 5 դես, ցանողներ, 5) մինչև 10 դես, ցանողներ, 6) մինչև 20 դես, ցանողներ և 7) 20 դեսյատինից ավելի ցանողներ: Աղյուսակի տվյալներից կարելի է հետևել, որ բոլորովին ցանք չունեցող և մինչև մեկ դեսյատին ցանող տնտեսությունները համարվում են չբավոր. դրանք կազմում են 42,7 տոկոս: Ինչպես նշում էր Վ. Ի. Լենինը, «մինչև մեկ դեսյատին ցանք ունեցող գյուղացին ի վիճակի չէ այնքան եկամուտ ստանալ, որպեսզի իր բոլոր կարիքները ծածկի»<sup>10</sup>: Իրենց անտեսական դրությամբ չցանող և քիչ ցանող տնտեսությունները, որոնք հողը մշակում են ուրիշի անասունը վարձելով, մեծ տարբերություն չեն ներկայացնում: Հողագործի և սեփականագործի գյուղացիության մի մասը իր գոյությունը մի կերպ պահպանում էր բատրակությամբ և այլ կողմնակի վաստակներով: Բոլորովին չցանող տնտեսությունները կազմել են 15,4 տոկոս: Պետք է նկատել, որ ավելի հաճախ ցանք չեն կատարել նաև այն տնտեսությունները, որոնց աշխատող ձեռքը կանչված է եղել բանակ: Իհարկե, խոսքը վերաբերում է քրիստոնյա տնտեսություններին:

Միջակ գյուղացիական տնտեսությունների մեջ ներառված են մինչև 3 և մինչև 5 դես, ցանք ունեցող տնտեսությունները, որոնք կազմում են 42,8 տոկոս, իսկ ունեոր գյուղացիների խմբի մեջ՝ հիմնականում 5 դես, և ավելի ցանք ունեցողները, որոնք կազմում են 14,5 տոկոս: Սակայն ըստ ցանքի սոցիալական խմբերի այդպիսի նորմավորված բաժանումը մեխանիկական կլինի, եթե հաշվի չառնվի գյուղացու տնտեսական հատկանիշի մյուս ցուցանիշները և անգամ ծխերի կազմը:

9 Վ. Ի. Լենին, ԵԼԺ. հ. 3, էջ 166:

10 Նույն տեղում, հ. 1, էջ 38:



Աղջուսակ 1

| Օկրեսություններ | Ընդամենը |      | Ձյանահանք |      | Մինչև 1<br>դես. ցանոդ |      | Մինչև 3<br>դես. ցանոդ |      | Մինչև 5<br>դես. ցանոդ |      | Մինչև 10<br>դես. ցանոդ |      | Մինչև 20<br>դես. ցանոդ |      | 20 դես.-ից ավել<br>ցանոդ |     | Ծխին միջին հաշ-<br>վով բնկնուձ է<br>(դես.) |      |
|-----------------|----------|------|-----------|------|-----------------------|------|-----------------------|------|-----------------------|------|------------------------|------|------------------------|------|--------------------------|-----|--------------------------------------------|------|
|                 | ժուլ     | %    | ժուլ      | %    | ժուլ                  | %    | ժուլ                  | %    | ժուլ                  | %    | ժուլ                   | %    | ժուլ                   | %    | ժուլ                     | %   | հոդ                                        | ցանք |
| Կարսի           | 1258     | 36,5 | 207       | 16,4 | 127                   | 10,1 | 382                   | 30,4 | 223                   | 17,7 | 257                    | 20,4 | 56                     | 4,46 | 6                        | 0,5 | 6,23                                       | 3,81 |
| Կադզվանի        | 856      | 24,9 | 190       | 22,2 | 120                   | 14,1 | 275                   | 32,0 | 96                    | 11,2 | 98                     | 11,4 | 52                     | 6,1  | 25                       | 2,9 | 7,73                                       | 3,98 |
| Արդահանի        | 362      | 10,6 | 21        | 5,8  | 189                   | 52,2 | 114                   | 31,5 | 34                    | 9,4  | 3                      | 0,82 | 1                      | 0,27 | —                        | —   | 3,97                                       | 1,50 |
| Օլթինի          | 966      | 28,0 | 111       | 11,5 | 504                   | 52,2 | 324                   | 33,5 | 27                    | 2,8  | —                      | —    | —                      | —    | —                        | —   | 1,91                                       | 1,04 |
| Ընդամենը        | 3442     | 100  | 529       | 15,4 | 940                   | 27,3 | 1053                  | 31,8 | 330                   | 11,0 | 358                    | 10,4 | 109                    | 3,2  | 31                       | 0,9 | 5,16                                       | 2,84 |

Աղյուսակ 3

| Օկրուգներ | Ընդամենը ծուխ | Տոկոս | Ընդամենը ահա-<br>ստ, ն բոլոր տիպի | Տոկոս | Ահաստը չուհե-<br>ցող տես. | Տոկոս | Բահուժ չուհե-<br>ցող տես. | Տոկոս | Ձի չուհեցող<br>տես. | Տոկոս | Սեկ բահուղ ձի<br>կաժեկ ուհեցող<br>տես. | Տոկոս | Երկու բահուժ<br>ուհեցող տես. | Տոկոս | Զոր բահուժ<br>ուհեցող տես. | Տոկոս | Վեր բահուժ<br>ուհեցող տես. | Տոկոս | Վերցից ախլ<br>բահուժ ուհեցող<br>տես. | Տոկոս | Ուհեցող տես ըն-<br>դամենը տեսուհե | Տոկոս |
|-----------|---------------|-------|-----------------------------------|-------|---------------------------|-------|---------------------------|-------|---------------------|-------|----------------------------------------|-------|------------------------------|-------|----------------------------|-------|----------------------------|-------|--------------------------------------|-------|-----------------------------------|-------|
| Կարսի     | 1258          | 35,5  | 25518                             | 40,2  | 190                       | 15,1  | 397                       | 31,5  | 1112                | 88,4  | 21                                     | 1,7   | 371                          | 29,5  | 24                         | 19,1  | 131                        | 10,6  | 95                                   | 7,5   | 15384                             | 60,3  |
| Կարգվանի  | 856           | 24,9  | 19972                             | 31,5  | 96                        | 11,2  | 193                       | 22,9  | 715                 | 83,5  | 35                                     | 4,1   | 252                          | 21,4  | 185                        | 21,6  | 121                        | 11,1  | 67                                   | 7,8   | 10634                             | 53,2  |
| Արդահանի  | 362           | 10,6  | 7673                              | 12,1  | 23                        | 7,7   | 60                        | 16,6  | 225                 | 62,1  | 15                                     | 4,1   | 108                          | 29,8  | 10                         | 29,0  | 56                         | 5,4   | 18                                   | 5,0   | 3248                              | 42,3  |
| Ըրթի      | 965           | 28,0  | 10269                             | 16,2  | 120                       | 12,5  | 206                       | 21,3  | 833                 | 86,2  | 27                                     | 2,8   | 472                          | 48,9  | 192                        | 19,9  | 51                         | 5,3   | 18                                   | 1,8   | 3032                              | 30,0  |
| Ընդամենը  | 3442          | 100   | 63132                             | 160   | 434                       | 12,6  | 859                       | 21,9  | 2855                | 83,8  | 93                                     | 2,8   | 1203                         | 34,9  | 722                        | 20,9  | 362                        | 10,5  | 195                                  | 5,7   | 32348                             | 51,0  |

Ինչպես երևում է աղյուսակի տվյալներից, վերոհիշյալ գյուղախմբերում ավելի շատ տարածված էր մանր գյուղացիական տնտեսությունը, որտեղ պատերազմի տարիներին բարձր տոկոս էին կազմում արդեն քայքայված և սեփականազուրկ տնտեսությունները: Իսկ ունևոր գյուղացիական տնտեսությունների տեսակարար կշիռը, համեմատած Եվրոպական Ռուսաստանի նահանգների և անգամ Երևանի նահանգի կուլակային տնտեսությունների հետ, համեմատաբար ցածր էր<sup>11</sup>: Իսկ նշանակում է, որ մարդի գյուղացիության շերտավորումը այն աստիճան չէր խորացել, ինչպես, ասենք, հարևան Երևանի նահանգում, որտեղ 1917 թ. գյուղական պրոլետարիատի և կիսապրոլետարիատի (չքավորական) խմբերը արդեն կազմում էին գյուղական բնակչության կեսից ավելին:

XX դարի սկզբներին մեծ չափով կրճատվեց գյուղացիական բաժնեհոլդի նորման: Գյուղացիական բաժնեհոլդի կրճատմանը համապատասխան կրճատվում էր նաև ցանքը: Եթե 1909 թ. գյուղատնտես Ստ. Կամսարականի հաշվումներով մեկ տնտեսությանը ընկնում էր 3,8 հա<sup>12</sup>, ապա 1917 թ., ըստ 77 գյուղերի հաշվառման հարցաթերթիկների տվյալների մեկ ծխին միջին թվով ընկնում էր 2,84 դես. ցանք, կամ այլ խոսքով՝ գյուղացիական ամեն մի տնտեսության ջանքատարածությունը միջին հաշվով կրճատվել է շուրջ մեկ դեսյա-տինով:

Գյուղացիության ունևորության որոշման կարևորագույն ցուցանիշներից է բանող ուժով նրա ապահովվածությունը: Գյուղացիության սոցիալական կազմի պատկերը որոշելու համար ևս հողաբաժնից ու ցանքից զատ ոչ պակաս կարևոր դեր է խաղում ուժը և ընդհանրապես մթերատու անասնապուխդը: «...Ամենից ճիշտ կլինի, — գրում էր Վ. Ի. Լենինը «Գյուղական չքավորությունը» բրոշյուրում, — հարուստ, միջակ և շուկայի գյուղացիներին տարբերել նրանց ունեցած ձիերի քանակությամբ: Բազմաձի գյուղացին գրեթե միշտ հարուստ գյուղացի է, որ նրա թե՛ ցանքը շատ է, թե՛ հող ունի, բացի լոկ հողաբաժնից և թե՛ պահուստ փող ունի»<sup>13</sup>:

Հողամշակության համար կարևոր է քաշող ուժի առկայությունը: Բանող ուժի դերն ու նշանակությունը ամենից ավելի լավ էին զգում ու ըմբռնում իրենք երկրագործ գյուղացիները: «Հողի մշակման համար, — կարդում ենք գյուղացիական մի հանրագիր-խնդրագրում, — բանող ուժն այն Արֆմեդյան լծակն է (ընդգծումը բնագրինն է — Ա. Հ.), առանց որի չի կարելի պատկերացնել հողի շահագործումը և նրա լիառատ ու կենսատու բարիքներից օգտվելը»<sup>14</sup>: Այնպես որ միայն հող ունենալը դեռ բավարար պայման չէ հողագործական արտադրություն կազմակերպելու համար:

Գյուղացիության խմբավորումը ըստ բանող անասունի (բանուժի) ներկայացված է երկրորդ աղյուսակում:

1917 թ. գյուղատնտեսական հաշվառման տվյալներից երևում է, որ 77 գյուղերի գյուղացիական տնտեսությունների շուրջ 1/4-ը բանուժ բոլորովին չի ունեցել: Հասկանալի է, որ լծկան շունեցող տնտեսությունը հնարավորություն չունեի բաժնեհոլդը մշակելու: Այդ տնտեսությունների մի փոքր մասը հարկադրված էր իր փոքրիկ հողաբաժինը կիսարրության կամ այլ սկզբունքներով վարձակալության տակ հարուստ տնտեսատիրոջը: Եվ անկախ հողը վարձակալության տակ հանգամանքից ու ստացած եկամտի չափից, այդ տնտեսությունները համարվում էին չքավոր, որովհետև չէին կարողանում սեփական տնտեսություն վարել:

<sup>11</sup> Տե՛ս Մ. Հ. Աղոնց. Հայաստանի ժողովրդական տնտեսությունը և հայ տնտեսագիտական միտքը XX դ. սկզբին, էջ 118—119 և 276:

<sup>12</sup> ՀՍՍՀ ՊԿՊԱ, ֆ. 375, ց. 1, գ. 23, թ. 133:

<sup>13</sup> Վ. Ի. Լենին. Ելժ. հ. 7, էջ 190:

<sup>14</sup> ՀՍՍՀ ՊԿՊԱ, ֆ. 113, ց. 3, գ. 99, թ. 2:



Հստ բանուժի տնտեսությունների կազմը ցույց տալու համար վերցրել ենք անասունի խմբեր ոչ թե կենտ թվերով, այլ զույգ, որովհետև մարզի հիմնական բանուժը եղն էր, իսկ գյուղատնտեսական աշխատանքները և այդ թրվում առաջին հերթին հերկը կատարվում էր միայն զույգ լծկանով, մինչդեռ, օրինակ, Ռուսաստանում հիմնական բանուժը ձին էր և հերկը կարելի էր կատարել մեկ ձիով: Մեկ բանուժ ունեցող տնտեսությունը անպայման չքավոր է այն պարզ պատճառով, որ նախահեղափոխական Հայաստանում հիմնական բանուժը եղել է եզր կամ գոմեշը: Ուշագրավ է, որ մեկ բանուժ ունեցող տնտեսությունները կազմել են շատ աննշան տեսակարար կշիռ՝ ընդամենը 2,8 տոկոս, այն դեպքում, երբ բանուժ չունեցող տնտեսությունները կազմել են 24,9 տոկոս, իսկ երկու բանուժ ունեցողները՝ 34,9 տոկոս: Այս փաստը մեկ անգամ ևս հաստատում է, որ մարզի գյուղացիության համար բոլորովին գործածական չի եղել մեկ բանուժը: Պատմատնտեսագիտական գրականության մեջ ընդունված է համարել, որ մեկ բանող խոշոր եղջերավոր անասունը (եզր կամ գոմեշը) իր ուժով և տնտեսական նշանակությամբ հավասար է  $2\frac{1}{3}$  ձիու: Ձին, ինչպես Անդրկովկասի մյուս նահանգներում, այնպես էլ Կարսի մարզում փոքր տոկոս էր կազմում և մեծ մասամբ տարածված էր ռուս վերաբնակիչների տնտեսություններում: Այսպես, հետազոտված 77 գյուղերի տվյալներով ձի չունեցող տնտեսությունները կազմել են շուրջ 84 տոկոս:

Սակավագործների և չքավորների խմբին պետք է դասել նաև 2 բանուժ ունեցող տնտեսությունների մի որոշ մասը, որովհետև այդ տնտեսություններում, ինչպես ցույց է տալիս ուսումնասիրությունը, պատերազմական հանգամանքով կամ աշխատող ձեռքերն են բացակայել, կամ բաժնեհող չի եղել, իսկ նրանք, ովքեր ունեցել են, հաճախ չեն կարողացել ցանք կատարել, կամ էլ սերմացու և գյուղատնտեսական ինվենտար չեն ունեցել: Հենց միայն այն փաստը, որ մեր կողմից հետազոտված 3442 տնտեսությունների մոտ 40 տոկոսը գյուղատնտեսական ոչ մի ինվենտար չի ունեցել, ինքնին ցույց է տալիս, որ ինվենտար չունեցող տնտեսությունների տոկոսի մեջ են մտնում ցանք և բանուժ չունեցողները, ինչպես նաև մինչև 2 բանուժ ունեցողների մի մասը: Հաշվառման հարցաթերթիկներում արձանագրվել են նաև այնպիսի բացառիկ դեպքեր, երբ ինվենտար չեն ունեցել 4 և անգամ 6 բանուժ ունեցող տնտեսություններ և ընդհանրապես, գյուղատնտեսական պրիմիտիվ ինվենտար են ունեցել բոլորովին բանուժ չունեցող և ցանք չկատարած տնտեսությունները:

Միջակ պետք է համարել գյուղացիական այն տնտեսությունը, որ ստացած համախառն եկամուտը ոչ միայն բավարարում է ընտանիքը կերակրելուն, այլև տալիս է որոշ ավելցուկ՝ կուտակման կամ վաճառքի համար: Սակավագործ և միջակ տնտեսությունների մի զգալի մասը, որոնք ունեն 2—3 և մինչև 4 բանուժ, գոթանավարի ժամանակ դիմում էին բանուժերի և աշխատող ձեռքերի միավորման՝ համատեղ աշխատանքի (համկալության-հարաքաշության) սկզբունքին: Սակայն բացառված չէին նաև այն դեպքերը, երբ բանուժից զուրկ գյուղացին հարկադրված դիմել է հարուստ գյուղացուն և իր համար ոչ նպաստավոր պայմաններով վարձել է նրա բանող անասունը՝ իր հողակտորը հերկելու համար:

Գյուղացիության սոցիալական կազմը ցույց տալու համար այլևայլ գործոններից բացի անհրաժեշտ է հաշվի առնել տվյալ գյուղի ազգային պատկանելությունը: Օրինակ, քրդական գյուղի շերտավորման աստիճանը որոշելիս, ի տարբերություն հայկական կամ ռուսական գյուղերի, պետք է հաշվի առնել առաջին հերթին մթերատու անասունի և ընդհանրապես անասնաբուծության

15 С. Заваоров. Опыт исследования сельского хозяйства хлебородного района Эриванской губернии и Карсской области. Тифлис, 1899, с. 119; А. С. Жирнов. Краткий очерк скотоводства в Закавказском крае. Тифлис, 1901, с. 9.

կը, որովհետեւ «անասունը քրդական ընտանիքի ունեւորության գլխավոր ցուցանիշն է»<sup>16</sup>։ Այսպես, Կաղզվանի օկրուգի քրդական Բազարչիկ գյուղի գյուղացիության բարեկեցության որոշման ամենից ավելի էական հատկանիշը մթննորատու անասնապահի քանակն է։ Գյուղի թվով 83 ծխերի ուսումնասիրությունը ցույց է տալիս, որ շնայած այստեղ գյուղացիական բաժնեհոգի նորման մի քանի անգամ բարձր է եղել մարզի միջինից՝ ծխին 21,4 դեա. հողաբաժին կամ՝ 13,2 դեա. ցանք, սակայն այն մեղ լիակատար հիմք չի տալիս վեր հանել գյուղի ունեցվածքային կազմի ռեալ պատկերը։ Որովհետեւ, եթե այստեղ հաշվի առնենք միայն տնտեսությանն ընկնող բաժնեհոգի քանակը կամ կատարված ցանքը և երկրորդական պլան մղենք քրդական տնտեսության համար այնքան բնորոշ ճյուղը՝ անասնապահությունն ու անասնապահի քանակը, ապա կստացվի, որ Բազարչիկի ծխերի 70 տոկոսից ավելին եղել են հարուստներ և միայն մնացածը՝ միջակներ ու շքավորներ։ Իսկ երբ գյուղացիության սոցիալական խմբերի կազմը որոշելիս հիմք ենք ընդունում առաջին հերթին մթերատու անասնապահի քանակը և բանուժը, ապա տեսնում ենք, որ ունեւոր տնտեսությունների տոկոսը կիսով չափ կրճատվում է<sup>17</sup>։ Պարզվում է, որ գյուղի հողերը եղել են հիմնականում բնական խոտհարքեր, կամ չլ անջրդի (գեմի) գարու դաշտեր, որոնք ի սպաս են դրվել մթերատու անասնապահության զարգացմանը։

Երկրորդ աղյուսակից երևում է, որ ունեւոր տնտեսությունների ձեռքում էր կենտրոնացված անասնաքանակի կեսից ավելին՝ 51 տոկոսը։ Եթե հաշվեհամարի 77 գյուղերի տվյալները ընդհանրացնենք ամբողջ մարզի վերաբերյալ՝ մի բան, որի համար միանգամայն ռեալ հիմքեր ունենք, ապա կտեսնենք, որ 1890-ական թթ. կեսերից մինչև 1917 թ. ցանք չունեցող տնտեսությունները ավելացել են՝ 6,2 տոկոսից հասնելով 15,4 տոկոսի, իսկ բանուժ չունեցողները՝ 17,6 տոկոսից հասնելով 24,9 տոկոսի<sup>18</sup>։ Այստեղից պարզ ու հստակ երևում է մեկ քսանամյակի ընթացքում գյուղացիական տնտեսությունների քաղաքական պրոցեսը, որի խորացման գործում, անշուշտ, իր նեգատիվ դերը խաղաց նաև սպասիրազմը։

Գյուղացիության սոցիալական շերտավորման որոշման համար կարևոր հատկանիշ է նաև վարձակալական համակարգը։ Մեր կողմից հետազոտված 3442 գյուղացիական տնտեսություններից բանվորներ՝ բատրակներ, օրամշակներ վարձել են ընդամենը 388 տնտեսություն կամ բոլոր տնտեսությունների 11,3 տոկոսը։ Ընդ որում Կարսի օկրուգում վարձու բանվորներ են ունեցել օկրուգի հաշվառված 20 գյուղերի գյուղացիական տնտեսությունների 26,7 տոկոսը, իսկ Կաղզվանի օկրուգի 14 գյուղերի տնտեսությունների 6 տոկոսը։ Այլ խոսքով, վարձու բանվորներ ունեցող 388 տնտեսություններից 336-ը կամ 86,6 տոկոսը գտնվում էր Կարսի օկրուգում, 51-ը կամ 13,1 տոկոսը՝ Կաղզվանի օկրուգում, իսկ Արդահանի և Օլթիի օկրուգներում այդպիսիք չատ անշուշտ են արձանագրվել։ Սա մեկ անգամ ևս վկայում է Կարսի և Կաղզվանի օկրուգներում գյուղացիական տնտեսությունների սոցիալական ավելի խոր շերտավորման մասին, որոնք տնտեսապես ավելի սերտ էին կապված Անդրկովկասի և մետրոպոլիայի հետ, քան Արդահանի և Օլթիի օկրուգները։

Գյուղացիական տնտեսությունների ուսումնասիրությունից պարզվում է, որ պատերազմի տարիներին ազատ աշխատող ձեռքերի համեմատական պակասի պատճառով վարձու աշխատանքը շատ մեծ ծավալ չէր ստացել։ Այդուհանդերձ, համեմատած անցյալ դարավերջի՝ 1897 թ. ընդհանուր մարդահամարի տվյալների հետ, նկատվում է վարձու աշխատանքի օգտագործման զգա-

16 Т. Ф. Арнстова. Курды Закавказья. М., 1966, с. 54.

17 ՀՄՄՀ ՊԿՊԱ, ֆ. 125, ց. 1, գ. 895:

18 С. Заваров. Ызл. աշխ., էջ 264, 426—427 և ՀՄՄՀ ՊԿՊԱ, ֆ. 125, ց. 1:



լի աճ: 20 տարվա ընթացքում այն ավելի քան կրկնապատկվել է՝ 5,4 տոկոսից<sup>19</sup> հասնելով 11,3 տոկոսի: Փաստերը ցույց են տալիս, որ ուրիշի աշխատանք օգտագործել են հիմնականում հարուստ և միջակ տնտեսությունները՝ 91 տոկոսից ավելին, մինչդեռ չքավոր տնտեսությունները՝ ընդամենը 8,5 տոկոս:

Գյուղատնտեսական վարձու աշխատանքի տիրապետող ձևը օրամշակութունն էր: Այսպես, արձանագրված ընդամենը 3803 դեպքից 3566-ը կամ մոտ 94 տոկոսը եղել են օրամշակներ և միայն 237 դեպքում եղել են տարեկան, ժամկետային կամ գործարքային աշխատողներ: Սա ցույց է տալիս, որ վարձու աշխատանքի համակարգը դեռևս տեղական բնույթ չէր կրում. դա մասամբ բացատրվում է ժամանակավոր բնակվողների և առաջին հերթին՝ արևմտահայ գաղթականների առկայությամբ, որոնց տեղում մնալու անկայուն վիճակը թե-լադրում էր նախընտրել օրավարձու աշխատանքը: Հատկանշական է, որ տա-րեկան, ժամկետային և գործարքային աշխատողներ արձանագրվել են բացա-ռապես հարուստ տնտեսություններում, իսկ միջակ և չքավոր տնտեսություն-ներում՝ միայն օրամշակներ:

Կոմկուսի գյուղատնտեսական ընկերության հավաքած տվյալներով 1914 թ. օրավարձու բանվորը դաշտային աշխատանքների համար ըստ օկրուգների օրական ստանում էր՝ Արդահանի օկր.—54 կոպ., Կաղզվանի օկր.—62 կոպ., Կարսի օկր.—61 կոպ., Օլթիի օկր.—40 կոպ.<sup>20</sup>: Բերված տվյալներից երևում է, որ վարձու աշխատուժի արժեքը բարձր է եղել Կաղզվանի և Կարսի օկրուգնե-րում՝ 62 և 61 կոպ., այսինքն այն շրջաններում, որտեղ ապրանքա-կապիտա-լիստական հարաբերությունները առավել ուժեղ էին զարգացած, իսկ մյուս կողմից՝ ցածր է եղել Օլթիի օկրուգում՝ 40 կոպ., որտեղ վարձու աշխատանքի վրա հիմնված կապիտալիստական հողագործությունը դեռևս թույլ էր, հետե-վապես և վարձու աշխատանքի պահանջարկը ու բնականաբար նրա գինը ցածր էր: Եվ պատահական չէ, որ 1917 թ. հաշվահամարի տվյալներով ամբողջ օկ-րուգում արձանագրվել է վարձու աշխատանքի ընդամենը մի քանի դեպք:

Ազգային կաղմի տեսակետից վարձու աշխատանքի օգտագործումը ավելի տարածված էր հայկական գյուղերում: Վարձու բանվոր ունեցող 388 տնտեսու-թյուններից 299-ը կամ 77,1 տոկոսը հայկական էին, իսկ մնացածը՝ 22,9 տո-կոսը՝ ռուսական, քրդական, հունական, թուրքական: Դա ցույց է տալիս հայ գյուղում սոցիալական պրոցեսների խորացման և կապիտալիստական վար-ձու աշխատանքի կիրառման բարձր աստիճանը: Մյուս կողմից՝ պատերազմի տարիներին քրիստոնյա բնակչության՝ հայերի, ռուսների, հույների բնակ ղորակոչվելու հետևանքով հայկական և մյուս քրիստոնյա գյուղերում աշխա-տող ձեռքերի ավելի սուր կարիք է զգացվել, որը և հարկադրում էր նրանց ա-վելի հաճախակի դիմել վարձու աշխատանքի օգտագործմանը: Պատահական չէ, որ հայկական գյուղերում աշխատող ձեռքի կարիքն այնքան նկատելի է եղել, որ վարձու աշխատանք են օգտագործել ոչ միայն ունևոր ու միջակ, այլ անգամ չքավոր տնտեսությունները: Այսպես, վարձու աշխատանք օգտագոր-ծած չքավոր տնտեսությունների 90 տոկոսը կաղմում էին հայկականները:

Վարձակալության համակարգի բնորոշ տարրերից է հողի վարձակալու-թյունը, որն իր բովանդակությամբ հիմնականում կրում էր կապիտալիստա-կան վարձակալության բնույթ: Վարձավճարի հարցում տիրապետում էր գե-րազանցապես զրամական ռենտան:

Տեղին է նկատել, որ հողի վարձակալության հարցում հաշվառող մար-մինների լրացրած հարցաթերթիկներում տեղ են գտել որոշ թերութուններ: Օրինակ, երբեմն վարձակալած հողը ոչ ճիշտ կերպով մտցրել են վարձակալո-ղի բաժնեհողի քանակի մեջ, իսկ վարձակալության տալու դեպքում ընդհակա-ռակն է արված:

<sup>19</sup> А. С. Амбарян. *Նշվ. աշխ.*, էջ 131:

<sup>20</sup> Урожай и состояние скотоводства в Закавказье в 1914 г. Тифлис, 1915, с. 26.

Հողի վարձակալությունը մարզի ոչ բոլոր գյուղերում էր տարածված: Մեր կողմից հետադոստված 77 գյուղերից հողի վարձակալության են դիմել ընդամենը 21 գյուղեր: Հողի վարձակալական համակարգը հատկապես ուժեղ էր տարածված Կարսի օկրուգում, համեմատաբար թույլ՝ Արդահանի և Կաղզվանի օկրուգներում, իսկ Օլթիի օկրուգում՝ այն գրեթե բացակայել է: Ինչպես պարզվում է գյուղատնտեսական հաշվահամարի Օլթիի օկրուգին վերաբերող ամփոփիչ աղյուսակի տվյալներից, ամբողջ օկրուգում 1917 թ. վարձակալվել է ընդամենը 7 դես., որից 3 դես. վարելահող և 4 դես. խոտհարք<sup>21</sup>:

Հաշվահամարի նյութերից երևում է նաև, որ մարզում տարածված էր կարճաժամկետ վարձակալությունը: Հողի վարձակալման և վարձակալության տալու համար որպես կանոն սահմանվում էր ժամկետ 1 կամ 2 տարի և հազվադեպ կարելի է հանդիպել երկարաժամկետ՝ երեք, հինգ և ավելի տարով վարձակալության: Հատկանշական է, որ ամբողջ Անդրկովկասյան երկրամասի համար ընդհանրապես բնորոշ է եղել մանր և կարճաժամկետ վարձակալությունը<sup>22</sup>: Ըստ երևույթին կարճաժամկետ վարձակալությանը նպաստում էր նաև պատերազմական ժամանակաշրջանը և երկրում տիրող սոցիալ-քաղաքական անկայուն վիճակը: Կարճաժամկետ վարձակալությունը տնտեսական և ագրոնոմիական տեսակետից պարունակում է այն վնասը, որ վարձակալը, չհետևելով հողի ստորուկտուրայի, արգավանդության պահպանմանը, պարարտացմանը, ցանքաշրջանառության համակարգին և ագրոնոմիական այլ միջոցառումների, աշխատում է մեկ-երկու տարում «քամելով հողը», որքան հնարավոր է շատ բերք ստանալ, որի հետևանքով հողը արագորեն ուժասպառ էր լինում:

Վարձակալության խնդրում շատ պարզ ու հստակ երևում է, որ որպես կանոն հողի վարձակալության են դիմում ունեւոր տնտեսությունները և ընդհակառակը, հողը վարձակալության են տալիս սակավազոր ու անհրաժեշտ բանուժ և այլ գյուղատնտեսական գործիքներ չունեցողները: Հաշվահամարի հողի վարձակալությանը վերաբերող տվյալներից երևում է, որ գյուղացիական խրմբերը ավելի կամ պակաս չափով դիմել են հողի վարձակալության: Ընդ որում, ունեւոր տնտեսությունները իրենց ձեռքում կենտրոնացրել էին ամբողջ վարձակալած հողի 62,3 տոկոսը, միջակ տնտ.՝ 28,8 տոկոսը, իսկ աղքատ տնտ.՝ ընդամենը 8,9 տոկոսը: Նշանակում է՝ մարզում գերակշռում էր ունեւոր գյուղացիների վարձակալությունը՝ է՛լ ավելի հարստացնելու նպատակով: Ազգային կազմի տեսակետից վարձակալած հողի կեսից ավելին՝ 55 տոկոսը կատարել են հայերը, 21,6 տոկոսը՝ թուրքերը, 9,2 տոկոսը՝ ռուսները և այլն:

Եթե հողը վարձակալում էին հիմնականում ունեւոր (կարող) տնտեսությունները, ապա վարձակալության էր տալիս գերազանցապես չքավորությունը՝ անհրաժեշտ բանուժ, սերմացու և գյուղատնտեսական գործիքներ չունենալու պատճառով: 1917 թ. հաշվահամարի՝ մարզին վերաբերող հարցաթերթերի տվյալները աներկբայորեն այդ են հաստատում: Այսպես, հողը վարձակալության տված տնտեսությունների 84,8 տոկոսը կամ հողի 87,6 տոկոսը կազմել են չքավոր տնտեսությունները: Ըստ որում հող վարձակալության տված տնտեսությունների ավելի քան 85 տոկոսը ոչ մի ինվենտար չունեն, այն դեպքում, երբ 77 գյուղերում գյուղատնտեսական ինվենտար չունեին գյուղացիական ծրխերի 39,6 տոկոսը:

Այսպիսով, կոմպլեքսային մոտեցմամբ համադրելով ու խմբավորելով մարզի 77 գյուղերի գյուղացիության սոցիալ-տնտեսական և ունեցվածքային հատկանիշի գրեթե բոլոր հիմնական ցուցանիշները՝ հողաբաժինը, ցանքը,

<sup>21</sup> ՀՍՍՀ ՊԿՊԱ, ֆ. 125, ց. 1, գ. 1011, թ. 35:

<sup>22</sup> Свод материалов по изучению экономического быта государственных крестьян Закавказского края. Т. V, ч. 2, Тифлис, 1888, с. 123.



անասնապուխդ, բանուժը, վարձու աշխատանքը, հորի վարձակալական համակարգը, գյուղատնտեսական ինվենտարը, ինչպես նաև ընտանիքի կազմը և այլն, տեսնում ենք, որ գյուղացիության սոցիալական կազմը (խմբերը) ներկայացնում էր հետևյալ պատկերը. ունեորեներ՝ 13,6 տոկոս, միջակներ՝ 43,6 տոկոս, չքավորներ՝ 42,8 տոկոս, որը խոսում է մարզի գյուղացիության սոցիալական շերտավորման խորացման և մեծ շնչահեղձների նախօրյակին սոցիալիստական հեղափոխության օբյեկտիվ պայմանների որոշակի հասունացման մասին:

СОЦИАЛЬНЫЙ СОСТАВ КРЕСТЬЯНСТВА КАРССКОЙ ОБЛАСТИ  
(по материалам сельскохозяйственной переписи 1917 года)

А. М. АКОПЯН

(Резюме)

Для изучения социального состава крестьянства Восточной Армении дореволюционной эпохи ценные данные содержат материалы Всероссийской сельскохозяйственной переписи 1917 г., хранящиеся в фонде № 125 ЦГИА Армянской ССР. Комплексное изучение социально-экономических показателей 77 сёл (в количестве 3442 крестьянских хозяйств) Карсской области по наделам, посевам, поголовью скота, рабочей силе, наемному труду, арендным землям и др. показывает, что накануне Великого Октября в области значительно углублялось социальное расслоение крестьянства, хотя этот процесс в некоторой мере уступал аналогичному процессу в Ереванской губернии. Так, в Карсской области имущие составляли 13,6%, середняки—43,6%, неимущие—42,8%.